



Inatsisartuni ilaasortaq Jens Napātōk,
(Partii Naleraq)

§ 37-mut tunngasutut apeqqutit nr. 107 – 2020-miittunut akissutit

Inatsisartut Suleriaasianni § 37, imm. 1 najoqqutaralugu IIN-imik atorunnaarsitsineq, aammalu CVR-imik nalunaarsuisarfimmuit ikaarsaariarneq pillugu Naalakkersuisunut apeqquteqarsimavutit. Apeqqutitit uannut akineqartussanngorlugit innersuussaapput. Akissuteqaatinut atugassanik Akileraartarnermut Aqutsisoqarfimmit paassisutissanik pissarsiniartoqarsimavoq.

25-06-2020

Sagsnr.

2016-3151

Box 1601

3900 Nuuk

Tlf. (+299) 34 50 00

E-mail: isiin@nanoq.gl

www.naalakkersuisut.gl

Apeqquut:

- 1. GER nr. 2018-imiit atorunnaanerata kingunerisaanik CVR-illu kisimik atorneqalernerisa kingunerisaanik Kalaallit Nunatsiniit sullissuerulluta taamaallaat Danmarkimiit sullinneqarsinnaaleratta?**

Akissut:

Naagga. Suliffeqarfiiit nalunaarsugaanerinut tunngatillugu kiffartuussineq atorunnaartinneqanngilaq. Inatsisip 1. januaari 2018-imi aammalu 2020-ip naanissaata tungaanut atuutilerneranit Akileraartarnermut Aqutsisoqarfik CVR-imut tunngatillugu Kalaallit Nunaanni innuttaasunik suliffeqarfinnillu kiffartuussisarnermik isumaginnissimavoq. Kiffartuussineq oqaatsit kalaallisut, danskisut tuluttullu atorlugit ingerlanneqartarpooq. IIN-imit ikaarsaariarnerup kingornatigut inuttaasuni imaluunniit kiffartuussinerup inissisimaffiani annikillisitsisoqanngilaq.

Akileraartarnermut Aqutsisoqarfip nittartagaani www.aka.gl-mi kalaallit, danskit aamma tuluit oqaasii atorlugit suliffeqarfiiit pilersinnissaannut il.il. ilitsersuutit nassaassaapput. Taamatuttaaq www.virk.dk-ip atorneratigut kalaallit oqaasiinik atuiffissaqarmat kalaallit oqaasii atorlugit imminermut suliarinnittoqarsinnaavoq.

Apeqquut:

- 2. CVR nr.-normutaarniaraanni Nuummiit kalaallisut sullinneqarsinnaalissaagut?**

Akissut:

Innuttaasut aamma suliffeqarfiiit NemID-imik atugaqarnermikkut suliffinnik qarasaasiakkut pilersitsisinhaanerannik CVR-imi nalunaarsuisarfik tunngaveqarpoq. Tamatuma kingornatigut suliffeqarfiiit pillugit immikkualuttortanik suliffiit namminneq www.virk.dk-mi aaqqissuussaqarsinnaapput.

CVR-imi nalunaarsuiffiup pilersinnissaanut imaluunniit atornissaanut innuttaasutut imaluunniit suliffeqarfittut ikiorserneqarnissaq kissaatigineqarpat Akileraartarnermut Aqutsisoqarfik attavigineqarsinnaavoq, tassanilu sulisut suliffeqarfiiit kalaallit, danskit imaluunniit tuluit oqaasii atorlugit ikiorsertarpaat.

Apeqquut:

3. ApS-imik imaluunniit A/S-imik aallartitsiniaraanni aatsaat advokat revisor-sorillu aqqutigeqqaarlugit aallartitsisoqarsinnaalerami?

Akissut:

Naagga, piginneqatigiiffiit aamma aktianik piginneqatigiiffiit taamaallaat inatsisilerituut kukkunersiusartullu aqqutigalugit pilersittarnissaat pillugit aaqqiisummik eqqussisoqarsimangilaq. Paarlattuanik ingerlatseqatigiiffinnik nalunaarsuinerni suussutsinik amerlanerpaanik ingerlatseqatigiiffik qarasaasiakkut nammineq nalunaarsugaqarsinnaaffianik aaqqiisummik eqqussisoqarpoq. Siusinnerusukkut Inuussutissarsiummik Ingerlataqartunik Nalunaarsuiffik (IIN) inuussutissarsiortoq pillugu tunngaviusutut paassisutissanik imaqrpoq, maannakkullu atorunnaarsitaasoq Inuussutissarsiummik Ingerlataqartunik Nalunaarsuiffik pillugu Inatsisartut inatsisissaat nr. 10, 29. oktober 1999-imeersoq piginneqatigiiffiit aamma aktianik piginneqatigiiffiit pilersinnissaat, taakkuninngalu nalunaarsuinerit pillugit malittarisassianik imaqqanngilaq. Tamatuma nassataraa maannakkut taamaallaat nalunaarsuiffimmi ingerlatseqatigiiffinnik nalunaarsuisalernissaq.

Apeqquut:

4. GER nr. Atorunnaarsinneqarnera nunatsinnut aningaasatigut sipaaruteqarfiuva?

Akissut:

Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaat nr. 33, 28. november 2016-imeersumut oqaaseqaatini inatsisip akuersissutignerani sipaarutissat pingarnertut anguniagassaanngitsut takuneqarsinnaavoq.

Digitaalinngorsaanerup tungaanut Kalaallit Nunaat soorlulusooq Danmarki sukkasuumik ingerlarsorput, suliffiit internetti aqqutigalugu kiffartuussiffinnik tikitaqarsinnaallutik. Digitaalikkut iluarsiissutit atornerini piumasaqaataavoq ingerlatseqatigiiffiup ilisarnaammik/NemID-mik tunineqarsimanissa. Tamanna pisinnaasimavoq pisinnaallunilu suliffeqarfik CVR-normuuteqassatillugu.

Kalaallit Nunaat CVR-imik iluarsiissummi Danmarkimi atuuttuusumi ilanngunneqartillugu iluarsiissut Naalakkersuisut toqqarsimavaat.

Tamatumunnga Kalaallit Nunaat annertuumik nammineq aningaasartuuteqarsimavoq. Allatut qinigassaq tassaasimavoq nammineq iluarsiissutissap ineriartortinnissa, IIN-imi nalunaarsuisarfik pisoqalisimammat, annertuumillu nutarsarneqartariaqalerluni.

Maannakkut siunissamilu digitaalinngorsaanermi atugassaasunut atuuffinnut tamakkununnga IIN-imi nalunaarsuisarfiput nutarsarneranut nutaatullu ineriartortitaaneranut naleqqiullugu iluarsiissut toqqarneqartoq malunnartumik akikinnerusutut nalilerneqarpoq. Taamaalilluni pineqanngilaq sipaaruteqarneq, allatulli qinikkatut aningaasaliinissap annertunerujussuunissaanik naatsorsuutigineqarnera pineqarluni. Imaluunniit digitaalinngorsaanerup amigaatiginera pissutigalugu Kalaallit Nunaanni suliffeqarfiiit unammillersinnaassutsiminnik annaasaqarnerannik.

Ikaarsaariarnermut aallarniuttitut aningaasartuutit 2,7 mio. kr.-nik aningaasaliiffiusimavoq. Inatsimmut oqaaseqaammi takuneqarsinnaasutut suliffeqarfinnut aallarniuttitut aningaasartuuteqarlunilu aqtsinertaqarpoq. Taakkuli digitaalikkut iluarsiissutit tikinnissaannut, taamaalillutillu sipaarutissanik angusaqarnissaannut suliffeqarfiiit periarfissarisaannit naligiissinneqarput.

Apeqquut:

5. Taamaasimappat aningaasat ukiumut sipaarutaasussat qassiuppat?

Akissut:


Aqutsinikkut aningaasartuutit ikilisinnissaat pingarnertut anguniakkat ilagisimanngimmagut aningaasaqarnikkut kingunerisinnaasanik ataatsimoortitamik nalilersuineq suliarineqarsimannilaq.

Aqutsisoqarnermut aningaasartuut qanillattortitatut aningaasartuutaanani lu iluanaarutaanngitsuunera nalilersuutaavoq. Suliffeqarfinnut aningaasartuutit

ilisimaneqannigillat, suliffeqarfiilli aqutsinikkut oqilisaaneq angusimavaat,
taamaalillutillu sipaarutinik angusaqarlutik.

Inussiarnersumik inuulluaqqusillunga

Med venlig hilsen



Jens-Frederik Nielsen